

ernst gewesen Gott zu versöhnen / wenn ein gros vnglück vber ein Land oder Stadt kommen war. Itzo darff man nicht weit suchen / wo solche böse Buben vnd catharmata zu finden / wenn man nur die offentlichen vnd bewusten laster straffen wolte / könnte man bald zu den Thetern kommen / vnd wehren noch Ruten / Schwerdt / Radt / Galgen / Wasser / Fier / Gefengnis / Scharfrichter gnug verhanden. Vnd wehr hoch nötig / das man sich bekehrete / vnd vnter andern den Spruch Esaiæ cap. 1. wol zu Herzen nehmen möchte : Waschet / reiniget euch / thut ewer böses wesen von meinen augen / lasset ab vom bösen / thut guts / trachtet nach Recht / helffet den verdrückten / schaffet den Waisen recht / vnd helffet der Widwen sachen / so kompt denn vnd lasset vns rechten / Wenn ewre Sünde gleich blutrot ist / sol sie doch schneweis werden / vnd wenn sie gleich ist wie Rosinfarbe / so sol sie doch wie Wolle werden / wolt ihr mir gehorchen / so solt ihr des Landes gut genieffen / wegert ihr euch aber / vnd seid vnghehorsam / so solt ihr vom Schwerte gefressen werden / denn der mund des H'Erren sagets etc. Dergleichen lehret auch Jeremias Cap. 7. vnd 18. Item in den Klagliedern Cap. 3. vnd Joel Cap. 2. vnd die Historia der Niniviten / Jonæ Cap. 3.

Aber es gehet leider itz also zu : Je grössere straffe vnd gefahr / je grössere sicherheit vnter den leuten / das sie blind werden / vnd nicht erkennen können / in was grosser noth sie stecken. Wenn die sicherheit also einreisset / so ist's mit Land vnd Leuten geschehen / welches auch die Heiden verstanden haben / wie beim Lycurgo die schönen vers des Griechischen Poeten allegiert werden / in oratione contra Leocratem : ὄπλων γὰρ ὀργῆ δαιμόνων βλάπτει λυὰ & c. quando Deus iratus aliquos ad pœnâ trahere vult, illis prius mentem auferre solet, ut postea gravius in clades irruant, Wenn der zörnige Gott einen zur straffe ziehen wil / lest er ihn erst sicher werden / vnd beraubt ihn gar seiner vernunft / das er als ein zum toll Viehe immer tieffer felt hienein / biss endlich gar nichts guts ist am leben sein / vnd die Sünde ihn gar verderbet.

Iratus